



Upernavik 28. februar 2020  
Jens Napätök, Partii Naleraq

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

### **Naalackersuisunut apeqqutit:**

1. Naalackersuisut pilersaaruteqarpat qanoq iliuusissamik pilersaarummik coronavirusimik tunillatsitoqassagualarpat?
2. Nunatsinnut kangianiit suliaartortartut eqqarsaatigalugit nakkutigineqarpat, nunatsinnut coronaviruseqarlutik tikeriasaannginnissaat qulakkeerniarlugu?
3. Naalackersuisut nappaat nunatsinni siaruaaterujussuarnissaanut pinaveersaartitsinermik pilersaaruteqarpat?
4. Takornarissat, umiarsuit assigisaallu pillugit qanoq iliuusissaasinnaasumik pilersaaruteqartoqarpa?

### **Tungavilersuut:**

Coronavirus sukkasuumik nunarpassuarni siaruaakkiarrtorpoq taamaasillunilu nunap ataatsip iluaniigiinnarunnaarluni nunarsuaq tamaat siaruaakkiartupiloorfigalugu, tamatumalu kingunerisaanik aallarinaratumik killiffeqarluni nunani qanigisatsinni soorlu europami nunanilu avannarlerni tuniluunneq anngulluni. Nunat nalinginnaasumik suleqatigisartakkagut attaveqarfigilluakkagullu taamatullu qanigisagut Danmark, Norge, Finland, Sverige, nappaammik tuniluuteqajaalluinnartumik eqqungaareerput tuniluunnerlu ullut tamaasa annertusiartuinnavilluni siaruaakkiartuinnaarluni.

Nappaatip tuniluutipiloornera aallerinartoqarluinnartumik killiffeqarpoq tassami nappaat Coronavirus minnerpaamik nunani 49-nut siaruaassimalerpoq. Inuillu nalunaarsugaasumik tunillatsissimasut nalunaarsorneqarsimasut 80.000 sinneqalersimasut oqaatigineqarpoq taakkunanilu ikinnerpaamik 2700-t coronavirusimik tunillatsissimasut toqqutigereeraat.

World Health Organization naalisarneqartartoq WHO nalilersuiarnermini malinaanerminilu saqqummiisaarnerminut atatillugu kinngullertut saqqummiussamini nalunaarutigaa



Upernavik 28. februar 2020  
Jens Napätök, Partii Naleraq

nappaammik tunillatsissimasut amerlanerungaatsiarnissaat nalunaarutigaaat allaat oqaatigalugu tunillatsissimasut amerlassusaat quleriaammik annertunerunissaat ilimagalugu. Tassa naatsumik oqaatigalugu tunillatsissimasut 800.000 missaaniinnissaat naatsorsuutigigaaat.

Kinami nappaammik siuaruaatitsinaveersaarlutik suliaqarput assigniingtsinik ilaatigut napparsimavissualiorlutik taavalu nappaammik toqquteqartut ikuallanneqartarlutik nappaatip tuniluutiasup suaruuateqqittuarsinnaanera appasinnerpaamiitinniarlugu. Nunatsinni nakorsiarniartarneq ilungersunartorujussuummat aammalu nakorsanik amigaateqartitserluta inissisimaffeqartitserfiummat pilersaaruteqarluarnissaaq pingaaruteqartorujussuummat qanoq iliuusissamik peqarnissaq pingaaruteqartorujussuuvoq. Taamatullu nunatsinni toqusunut ikuallaavimmik tassalu krematoriummimik suli peqannginnatta qanoq iliuuseqartarnissaq piareersarfigisimanissaa pingaaruteqartorujussuummat Naalackersuisut tamakku tamarmik pilersaarusiortartunut qanimut suleqateqarlutik qulakkeertariaqarluinnaraat Partii Naleqqamiit isumaqarfigigatsigit ilanngullugit anngukkusuppagut.

Inuit ernumapput paasissutissanik pisariaqartitsisut amerlapput aammalu qanoq iliuusissanik ersarissunk pisariaqartitsipput nunatsinnimi peqqinnissaqarfimmut saaffiginninniartarneq ilungersunartorujussuuvoq, nakorsiarniartarneq ajornartorujussuuvoq, taamaattumillu innuttaasut ulluinnarni atugarisatik nakorsiarniartarnermut ilungersunareersut qaavatigut nappaat coronavirus nunatsinnut anngutissagaluarpat qanoq ilungersunartigisinnaasoq takorlooreersinnaavaat taamaammallu aarlerisorujussuullutik inissimasorpassuupput tupinnanngitsumik. Sineriat tamaat eqqarsaatigalugu qanoq iliuuseqarasuartarsinnaasunik taamaammatt piareersimasoqarnissaa pingaaruteqartorujussuummat pilersaarusiortasuartoqarnissaanik sulisoqartariaqartoq Partii Naleqqamiit kaammattuuteqarumavugut killiffik imaannaangimmat. Naalackersuisut oqaatigillattaarpaat malinnaallutik aammalu ilisimatitsisarlutik sillimaniarnermut periusissaqarlutik. Taamatut oqartuartaaginnarani isumaqarnarpoq nunap inui peqataatinneqalernissaat piffissanngortoq. Innuttaasut nunap inui erseqqisumik pilersaarummik saqqummiiffigisariaqalerput aammalu qanoq nunatsinnut



Upernavik 28. februar 2020  
Jens Napätök, Partii Naleraq

nappaat taama ulorianartigisoq anngutinnginnissaa qanoq pinaveersaartinniarlugu iliuuseqarnersut.

Kangianiit suliertortarput amerlapput suliffeqarfinni assigiinngitsuni aammalu aalisakkerivinni, Royal Greenland qanoq iliuuseqarpoq sulisut suliertortussaagaluartut killilerpaat suliertortussaagaluartut unitsippaat, suliffiit allammi qanoq iliuuseqarfiginiarpat?

Upernaaq alianaattoq aanaralaannguaq takkutilerpoq taamatullu aasaq takornariaqarfissuusoq takkutilerpoq, umiarsuit takornariartaatsit inuppassuarnik ilaasoqartartut nunatsinnut pisartut amerlaqaat, tamakku nunani allani mattunneqartaarput, nunarput qanoq tamakku eqqarsaatigalugit qanoq pilersaaruteqartoqarnerseqqissumik oqaatigineqartariaqalerpoq saqqummiussisoqartariaqalerpoq.

Qallunaat nunaani statsministerip sikkerhedsudvalgi ataatsimeeqatiginiarlugu aggersarparaa tassanilu ilaasortaasut ataatsimut ataqatigiissarineq suliffeqarfiillu eqqugaasinnaasut pillugit oqaloqatigiittoqassalluni.

Statsministerip taavaa killiffik ilungersunartuusoq aammalu pisortat oqartussaasut maanna suliassartik suliarisariaqaraat.

Taamaammat Parti Naleqqamiit isumaqapugut killiffik eqqarsaatigalugu imaannaangittorujussuannngorsinnaammat piviusoq ernamanarluinnartoq aammalu innuttaasut nunap inui ernamusseqarnerat pillugu Naalakkersuisut ataqatigiissaakkamik susaqartut tamarmik peqataatillugit sillimaniarnermik sukateralutillu qanoq iliuusissaasussamik pilersaarusiussasut ajornartorsiutinngornissaa utaqqiinnarnagu, kingusinaartoqannginnerani qanoq iliuuseqartoqartariaqarlunnarpoq eqqumaffigisassat tamaasa qulaajaaffigalugit qanoq iliuuseqartoqarlunilu sillimaniarnerup iluatigut sukaterisoqarnissaa kingusinaarfiginnginnerani piffissanngorsorinarsimmat tigussaasumik qanoq iliuuseqartoqarnissaanik

Kissaatigaara apeqqutima ullut sulliviit naliginnaasut qulit iluanni akineqarnissaat.